

# INUIT ATAQATIGIIT INATSISARTUNI



UKA2024/59-87

17 oktober 2024

Adam Kristensen

**Savaateqarfinnut inoqarfinnullu allanut nannut tikiuttut qimaatinniarereqqaarnagit takunneqqaartumit pisarineqarsinnaalersillugit Namminersorlutik Oqartussat nalunaarutaanni nr.5-imi, marts 2023-meersumi aalajangersakkat allangortinneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nannup pisarineqartup neqaa najukkami agguanneqassaaq sinneralu pisaqartumut tunniunneqarsinnaassalluni.**

(Inatsisartunut ilaasortaq, Mariane Paviasen, Inuit Ataqatigiit)

Aapaa

**Nunatta kujataani nannuttassiissutigineqartartut ukiumut sisamaasut 2025-imiit ikinnerpaamik ataavartumillu qulinngortinneqarnissaat qulakkeeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq AnderOlsen, Siumut)

## **Oqaaseqaat**

Inuit Ataqatigiinni isumaqarpugut uumasooq qaasuttuusoq inunnullu ulorianaateqartoq, uumasunik illersuisartut oqartaraluartut nanoq inoqarfinnut takkuttarnera sungiunniannangassaasoq, taamatut oqartoqartarnera isumaqatiginngilarput nanoq bamsimut assersuunneqarsinnaangilaq qaqugukkulluunniit inummut saassussisinnaagami.

Imm. 59-imut siunnersuuteqartup eqqaavaa nanoq inoqarfinnut savaateqarfinnullu takkuttoq ingerlaannaq toqunneqartassasoq tamannalu

# INUIT ATAQATIGIIT INATSISARTUNI



tapersorsorparput, nanoq inoqarfinnut takkuteriasaartoq kialuunniit toqussinnaasariaqarpaa, siunnersuuteqartup nannup pisarinqartup neqaa nunaqqatigiinnut agguanneqartarsissaa kissaatingaa sinneralu pisaqartup pissagaa.

Takorloorsinnaavarput ukiumut nannut inoqarfinnut savaateqarfinnullu takkuttut pisarinqarsinnaassasut taamaammat maluginiaqqarput nannunik pisassiissutit piniarnermut inuutissarsiutingalugu piniartunut sammitinneqarmata tamanna eqqarsaatigilluarneqassasoq.

Siunnersuutip aappaa immikkoortoq 87-imi Kujataani nanuttassiissutit sisamaasut qulinngortinneqarnissaannik Anders Olsen-ip siunnersuutaa Inuit Ataqatigiinni imaattunik oqaaseqarfigissuarput.

Ukioq manna nunatta Kujataa nanorpassuaqartoq ilisimavarput siunnersuuteqartup siunnersuutaa tunngaviatigut tapersorsornarpoq taamaattoq paasissutissat ullumikkut pigisavut apeqqutaatillugit siunnersuut akuerinissaa nangaanartoqartipparput.

Inuit Ataqatigiinni isumaqarpugut nunarput tamaat eqqarsaatigalugu nannunik pisassiissutit eqqartorneqarsinnaasut nannunik misissuineq kingulleq pisortatigoortumik saqqummiunneqariarpat, tamanna isumalluarfingaarpud nannunik pisassanik amerlanerusunik pisassiinissamut periarfissaalluarsinnaammat. Nunarput tamakkerlugu nannut pisassiissutit eqqartorneqarnissaat innersuussutingalugu aappassaaneerneqannginnerini aalisarnermut piniarnermut nunanerinermullu aataatsimiitsitaliami eqqartorneqarnissaat inassutingaarput.